

LATIHAN PENGUKUHAN KATA NAMA KHAS

Baca petikan yang diberikan dan gariskan Kata Nama Khas yang terdapat dalam petikan tersebut. Kemudian senaraikan Kata Nama Khas tersebut pada kotak yang disediakan.

MELAKA BANDAR BERSEJARAH

Melaka merupakan sebuah bandar yang sangat popular dengan sejarah. Sejarah Melaka bermula apabila Parameswara putera raja dari Palembang telah terlibat dalam peperangan merebut takhta kerajaan Majapahit. Setelah ditumpaskan oleh Majapahit, baginda telah lari mencari perlindungan ke Temasik namun beliau diusir dari Temasik oleh penjajah dari Siam, beliau dan pengikut-pengikutnya mengundurkan diri ke Bertam iaitu berdekatan dengan muara sungai Melaka. Setelah tiba di Bertam, baginda telah melihat anjing perburuannya ditendang oleh seekor pelanduk putih. Baginda amat kagum dengan keberanian pelanduk putih tersebut dan membuat keputusan untuk membuka negeri di situ. Baginda telah bertanya nama pohon tempat baginda bersandar dan pengikutnya memberitahu bahawa nama pohon tersebut adalah pohon Melaka. Maka baginda telah membuat keputusan untuk menamakan negerinya sempena nama pohon tersebut.

Terdapat beberapa bangunan yang menjadi peninggalan penjajah yang boleh dilawati di bandar bersejarah itu. Antaranya, Kota A Famosa yang menjadi mercu tanda Melaka dan antara subjek yang paling banyak diambil gambarnya selain daripada Stadhuys. Selain itu, pelancong juga boleh melawati Perigi Hang Tuah yang terletak di satu kawasan iaitu di Kampung Duyong yang mana Hang Tuah bersama empat orang sahabatnya dibesarkan yang kemudiannya telah menjadi hulubalang Melaka. Seterusnya, pelancong juga boleh berkuncung ke Menara Tamingsari. Menara ini akan membawa pengunjung ke atas untuk melihat Bandaraya Melaka dengan lebih luas. Terdapat banyak lagi tempat menarik di Melaka terutama bangunan dan artifak peninggalan sejarah. Tuntasnya, pelancong boleh ke Melaka untuk melawat tempat-tempat menarik dan menambah pengetahuan tentang sejarah Malaysia.

KATA NAMA KHAS